

პერსონალურ მონაცემებთან დაკავშირებული
განცხადების განხილვის წესი

2024 წელი

1. განცხადების განხილვის წესის მიზანი

პერსონალურ მონაცემებთან დაკავშირებული განცხადების განხილვის წესით (შემდგომში - წესი), მონაცემთა სუბიექტის უფლებების უზრუნველყოფის სათანადო მექანიზმის შექმნის მიზნით, განისაზღვრება ა(ა)იპ „საქართველოს ეროვნულ ბოტანიკურ ბაღში“ (შემდგომში - ბოტანიკური ბაღი) პერსონალურ მონაცემებთან დაკავშირებული განცხადების განხილვის პროცედურა.

2. ვინ შეიძლება წარადგინოს განცხადება

ბოტანიკურ ბაღს განცხადება წარედგინება მონაცემთა სუბიექტის ან მისი უფლებამოსილი წარმომადგენლის მიერ, წინამდებარე დოკუმენტით დადგენილი წესის შესაბამისად.

3. რა საკითხთან დაკავშირებით დაიშვება განცხადება

წინამდებარე წესის თანახმად, ბოტანიკურ ბაღს განცხადება წარედგინება მხოლოდ პერსონალურ მონაცემთა დამუშავებასთან დაკავშირებულ საკითხებთან მიმართებით, როდესაც განმცხადებელს მიაჩნია, რომ ბოტანიკური ბაღის მიერ დაირღვა მისი უფლებები.

4. განცხადების წარდგენის წესი

მონაცემთა სუბიექტის განცხადება წარმოდგენილი უნდა იქნეს წერილობითი ფორმით – მატერიალურად ან ელექტრონულად.

- ელექტრონული ფოსტის მეშვეობით განცხადება წარმოდგენილ უნდა იქნეს შემდეგ ელექტრონულ ფოსტაზე: info@nbgg.ge
- მატერიალური ფორმით განცხადება წარმოდგენილ უნდა იქნეს შემდეგ მისამართზე: ქ. თბილისი, ბოტანიკური ქ. N1

განცხადება უნდა შეიცავდეს შემდეგ რეკვიზიტებს:

ა) ადმინისტრაციული ორგანოს/ბოტანიკური ბაღის დასახელება;

ბ) განმცხადებლისა ან/და მისი წარმომადგენლის (ასეთის არსებობის შემთხვევაში) სახელს, გვარს, პირადი ნომერს, ფაქტობრივ მისამართს (სადაც შესაძლებელი იქნება კორესპონდენციის ჩაბარება) ან/და ელექტრონული ფოსტის მისამართს, თუ განმცხადებელს სურს კორესპონდენციის გაგზავნა ელექტრონული ფოსტის მეშვეობით, ტელეფონის ნომერს ან/და სხვა საკონტაქტო ინფორმაციას.

გ) პერსონალურ მონაცემებთან დაკავშირებული იმ გარემოებების აღწერას რომელიც გახდა განცხადების წარმოდგენის საფუძველი;

დ) მონაცემთა სუბიექტის მოთხოვნას;

ე) განცხადების წარდგენის თარიღს;

ვ) განმცხადებლის ან მისი წარმომადგენლის ხელმოწერას.

განმცხადებელი ვალდებულია განცხადებასთან ერთად წარმოადგინოს:

ა) განმცხადებლის პირადობის დამადასტურებელი დოკუმენტის ასლი, გარდა იმ შემთხვევისა, თუ განცხადება ელექტრონულად ხელმოწერილია ან/და შტამპდასმულია „ელექტრონული დოკუმენტისა და ელექტრონული სანდო მომსახურების შესახებ“ საქართველოს კანონის შესაბამისად;

ბ) განცხადების უფლებამოსილი წარმომადგენლის მეშვეობით წარმოდგენის შემთხვევაში – უფლებამოსილების დამადასტურებელი შესაბამისი დოკუმენტი (მაგალითად, ნოტარიულად დამოწმებული მინდობილობა), განმცხადებლისა და წარმომადგენლის პირადობის დამადასტურებელი დოკუმენტების ასლები, ხოლო თუ განცხადება ელექტრონულად ხელმოწერილია ან/და შტამპდასმულია „ელექტრონული დოკუმენტისა და ელექტრონული სანდო მომსახურების შესახებ“ საქართველოს კანონის შესაბამისად, ხელმოწერი პირის პირადობის დამადასტურებელი დოკუმენტის წარმოდგენა არ არის სავალდებულო.

განმცხადებელს უფლება აქვს განცხადებასთან ერთად წარმოადგინოს მის მიერ განცხადებაში მითითებული გარემოებების დამადასტურებელი მტკიცებულებები (ასეთის არსებობის შემთხვევაში). მტკიცებულებების ჩამონათვალი უნდა ერთვოდეს განცხადებას.

იმ შემთხვევაში, თუ განცხადება ან/და თანდართული დოკუმენტები შედგენილია არასახელმწიფო ენაზე, განცხადება ან/და თანდართული დოკუმენტაცია წარმოდგენილი უნდა იქნას საქართველოს სახელმწიფო ენაზე თარგმნილი და ნოტარიულად დამოწმებული.

5. განცხადების განსახილველად მიღება, ხარვეზის დადგენა, განუხილველად დატოვება

მონაცემთა სუბიექტის/უფლებამოსილი წარმომადგენლის მიერ სათანადო წესით, სამუშაო დღის ბოლომდე წარმოდგენილი განცხადება იმავე დღეს რეგისტრირდება სათანადო წესით და გადაეცემა შემსრულებელს. არასამუშაო დროს ან/და უქმე და დასვენების დღეებში წარმოდგენილი განცხადება რეგისტრირდება შემდგომ/პირველივე სამუშაო დღეს და იმავე დღეს გადაეცემა შემსრულებელს.

შემსრულებელი ამოწმებს განცხადების შესაბამისობას წინამდებარე წესის მე-5 პუნქტით დადგენილ მოთხოვნებთან.

თუ წარმოდგენილი განცხადება არ აკმაყოფილებს ამ წესის მე-5 პუნქტით დადგენილ მოთხოვნებს, განცხადების რეგისტრაციიდან 3 (სამი) სამუშაო დღის ვადაში, ბოტანიკური

ბადის მიერ განმცხადებელს წერილობითი ფორმით მიეწოდება ინფორმაცია ხარვეზის თაობაზე და განესაზღვრება გონივრული ვადა (არაუმეტეს 10 (ათი) კალენდარული დღისა) მის გამოსასწორებლად. თუ განმცხადებელი ბოტანიკური ბადის მიერ განსაზღვრულ ვადაში არ აღმოფხვრის დადგენილ ხარვეზს, განცხადება განუხილველად დარჩება.

ბოტანიკური ბადი ვალდებულია ხარვეზის შესახებ ინფორმაციის განმცხადებლისთვის მიწოდებისას, განუმარტოს მას ხარვეზის დადგენისა თუ განცხადების განუხილველად დატოვების შესაძლო შედეგი.

განმცხადებლის მიერ განსაზღვრულ ვადაში ხარვეზის გამოუსწორებლობის მიზეზით განცხადება განუხილველად დატოვებულად ჩაითვლება განმცხადებლისთვის ხარვეზის გამოსწორების მიზნით ბოტანიკური ბადის მიერ განსაზღვრული ვადის დასრულებისთანავე, რის შესახებაც განმცხადებელს ინფორმაცია დამატებით არ მიეწოდება.

თუ განმცხადებელი ბოტანიკური ბადის მიერ განსაზღვრულ ვადაში ნაწილობრივ აღმოფხვრის ხარვეზს, ბოტანიკური ბადი განცხადების მხოლოდ იმ ნაწილს განიხილავს, სადაც ხარვეზი აღმოფხვრილია, ხოლო თუ აღნიშნული ნაწილის ცალკე განხილვა შეუძლებელია, განცხადება სრულად დარჩება განუხილველი. ბოტანიკური ბადი უფლებამოსილია, განმეორებით დაადგინოს ხარვეზი ამ პუნქტით დადგენილი წესით.

6. განცხადების განხილვა

განცხადებას განიხილავს ბოტანიკური ბადის უფლებამოსილი წარმომადგენელი და ბოტანიკური ბადი იღებს გადაწყვეტილებას:

- (ა) განცხადების დაკმაყოფილების შესახებ;
- (ბ) განცხადების ნაწილობრივ დაკმაყოფილების შესახებ;
- (გ) განცხადების დაკმაყოფილებაზე უარის თქმის შესახებ.

გადაწყვეტილება მიიღება წერილობითი ფორმით და ამავე ფორმით ეცნობება დაინტერესებულ პირს.

დაუშვებელია, განცხადება განიხილოს პირმა, რომელიც რაიმე სახით არის დაკავშირებული განცხადების წარმდგენ პირთან ან არსებობს გარემოებები, რომლებიც გამორიცხავს მის მიერ საქმის მიუკერძოებლად გადაწყვეტას.

განცხადების განხილვის პროცესში შესაძლოა ჩართულ იქნეს პერსონალურ მონაცემთა დაცვის ოფიცერი, ოფიცრის უფლება-მოვალეობების გათვალისწინებით და მონაცემთა სუბიექტის საუკეთესო ინტერესების დაცვის მიზნით.

7. განცხადების განხილვის და გადაწყვეტილების მიღების ვადა

ბოტანიკური ბაღის მიერ განცხადებასთან დაკავშირებით გადაწყვეტილება მიიღება განცხადების წარდგენიდან 10 (ათი) სამუშაო დღის ვადაში.

8. გადაწყვეტილების გასაჩივრების მექანიზმი

განმცხადებელი უფლებამოსილია, ნებისმიერ დროს მიმართოს პერსონალურ მონაცემთა დაცვის სამსახურს განცხადებაში დასმულ საკითხთან მიმართებით, ისევე როგორც სასამართლოს.